



SLUŽBENE NOVINE GRADA ZENICA

GODINA L
Broj 8

Četvrtak, 17. 10. 2024. godine

ISSN 1840-4588

GRADSKO VIJEĆE

129.

Na osnovu člana 2. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17, 9/18, 46/23 i 88/23), člana 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 21. i 116. Statuta Grada Zenica ("Službene novine Grada Zenica", broj 5/15) Gradsko vijeće Zenica na 49. sjednici, održanoj 25.09.2024. godine, donosi

ODLUKU

o organizaciji i sigurnosti saobraćaja

DIO PRVI - OPĆE ODREDBE

Član 1.

(Predmet Odluke)

Odlukom o organizaciji i sigurnosti saobraćaja (u daljem tekstu: Odluka) uređuje se organizacija, uslovi i pravila sigurnosti saobraćaja na javnim saobraćajnim površinama na teritoriji grada Zenica, te mjere za njihovo provođenje.

Član 2.

(Javne saobraćajne površine)

Javnim saobraćajnim površinama u smislu Odluke smatraju se saobraćajnice (ceste, javne staze, ulice), trgovci, pješačke zone, javni prolazi, javna parkirališta za motorna vozila i bicikle, javne garaže i taksi stajališta, kao i sve druge javne površine koje su u funkciji kretanja vozila i pješaka na teritoriji grada Zenica.

Član 3.

(Saobraćaj na javnim saobraćajnim površinama)

(1) Saobraćaj na javnim saobraćajnim površinama dozvoljen je svakom pod jednakim uslovima u skladu sa Zakonom o osnovama sigurnosti saobraćaja na

putevima u Bosni i Hercegovini (u daljem tekstu: Zakon) i Odlukom.

(2) Na javnim saobraćajnim površinama ne smiju se poduzimati bilo kakve radnje ili obavljati djelatnosti koje bi mogle ugroziti sigurnost i protočnost saobraćaja.

Član 4.

(Nadležnost)

(1) Obezbjedenje i praćenje sigurnosti saobraćaja je u nadležnosti Ministarstva unutrašnjih poslova Zeničko-dobojskog kantona (u daljem tekstu: nadležno ministarstvo), gradske službe nadležne za saobraćaj i ceste (u daljem tekstu: nadležna služba) i nadležnog upravitelja cesta za koje nije nadležan Grad Zenica (u daljem tekstu: nadležni upravitelj).

(2) Nadležna služba prati stanje u oblasti saobraćaja, predlaže i provodi mjere za unapređenje saobraćaja, vrši izmjenu organizacije saobraćaja, te poduzima druge mjere u cilju unapređenja organizacije i sigurnosti saobraćaja.

(3) Nadležna policijska uprava je obavezna najmanje jednom godišnje izvještavati Gradsko vijeće o poduzetim mjerama za obezbjedenje i praćenje sigurnosti saobraćaja, kao i o stanju sigurnosti saobraćaja na teritoriji grada Zenica.

DIO DRUGI - ORGANIZACIJA I TEHNIČKA REGULACIJA SAOBRAĆAJA

Član 5.

(Dvosmjerni tok saobraćaja)

Na svim cestama i ulicama, osim na onim čija širina ili drugi razlozi sigurnosti saobraćaja to onemogućavaju, dozvoljen je saobraćaj vozila u oba smjera.

Član 6.

(Jednosmjerni tok saobraćaja)

Ceste i ulice u kojima je dozvoljen saobraćaj vozila samo u jednom smjeru su:

a) Dr. Mehmeda Spahe,

- b) Reisa Čauševića,
- c) Muftije Šemsekadića,
- d) Vojvodića put,
- e) Srpska mahala,
- f) Huseina Kulenovića,
- g) Mehmedalije Tarabara,
- h) Masarykova,
- i) Sestara Ditrih,
- j) Kotromanića,
- k) Velikog sudije Građeše,
- l) Mokušnice,
- m) Uzunovića put,
- n) Armije RBiH (od spoja sa ulicom Mokušnice do spoja sa ulicom Štrosmajerova),
- o) vezna saobraćajnica od spoja sa ulicom Masarykova do Hitne pomoći i od Hitne pomoći do Bulevara Kulina bana (tzv. Plavi put),
- p) Stjepana Radića,
- r) Ulica Zukići (od spoja sa ulicom Krivače do Autopraone „M“),
- s) Derviša Imamovića (od spoja sa ulicom Crkvice do poslovnice BH pošte u Crkvicama),
- t) kao i druge pristupne saobraćajnice u stambenim blokovima koje su obilježene saobraćajnom signalizacijom za odvijanje jednosmjernog saobraćaja.

Član 7.

(Ceste i ulice sa prvenstvom prolaza)

(1) Ceste i ulice sa prvenstvom prolaza su obilježene saobraćajnim znakom za ceste sa prvenstvom prolaza.

(2) Ako prvenstvo prolaza nije regulisano saobraćajnim znakom, obaveza vozača je da postupa u skladu sa odredbama Zakona.

Član 8.

(Izmjena organizacije saobraćaja)

(1) Nadležna služba vrši izmjenu organizacije saobraćaja na javnim saobraćajnim površinama ukoliko saobraćajni i sigurnosni razlozi to zahtjevaju, uz pribavljeno mišljenje Komisije za sigurnost saobraćaja.

(2) Izmjena organizacije saobraćaja vrši se na osnovu saobraćajnog projekta, odnosno adekvatne tehničke dokumentacije.

Član 9.

(Tehnička regulacija)

(1) Tehničkom regulacijom saobraćaja smatra se postavljanje, uklanjanje, zamjena i održavanje saobraćajne signalizacije (horizontalne, vertikalne i svjetlosne) i druge opreme na saobraćajnici.

(2) Tehničku regulaciju saobraćaja vrši nadležna služba putem pravnog lica kojem je ugovorom povjereno obavljanje tih poslova.

(3) Radovi iz stava (1) ovog člana, osim neodložnih radova na otklanjanju nedostataka koji neposredno ugrožavaju sigurnost saobraćaja, u pravilu se planiraju i izvode u danima i vremenskom periodu kada je saobraćajni tok slabijeg intenziteta.

DIO TREĆI - PRIVREMENA IZMJENA REŽIMA SAOBRAĆAJA

Član 10.

(Definicija privremene izmjene režima saobraćaja)

Privremena izmjena režima saobraćaja predstavlja organizaciju saobraćaja koja ima privremeni karakter, a koju je prethodno odobrila nadležna služba, odnosno nadležni upravitelj ceste pod uslovima utvrđenim Odlukom.

Član 11.

(Osnovi za privremenu izmjenu režima saobraćaja)

(1) Privremena izmjena režima saobraćaja može se odobriti u sljedećim slučajevima:

- a) izvođenje radova koji se ne mogu izvesti bez izmjene režima saobraćaja (radovi izgradnje, rekonstrukcije, sanacije objekata; radovi redovnog održavanja i radovi hitnih intervencija)
- b) organizacija javne manifestacije ili događaja,
- c) ostali opravdani slučajevi kada je to u interesu sigurnosti učesnika u saobraćaju.

(2) O privremenoj izmjeni režima saobraćaja donosi se rješenje po službenoj dužnosti ili po zahtjevu stranke.

Član 12.**(Privremena izmjena režima saobraćaja zbog izvođenja radova izgradnje, rekonstrukcije i sanacije objekata)**

(1) Pod radovima koji se ne mogu izvesti bez izmjene režima saobraćaja, podrazumijevaju se radovi izgradnje, rekonstrukcije, sanacije objekata za čije izvođenje je neophodno privremeno izmijeniti režim saobraćaja na saobraćajnici, dijelu saobraćajnice ili dionici saobraćajnice.

(2) Zahtjev za privremenu izmjenu režima saobraćaja izvođač radova podnosi najkasnije sedam dana prije planiranog početka izvođenja radova, uz koji prilaže sljedeću dokumentaciju:

- a) ugovor ili dokument koji se smatra nalogom za izvođenje radova,
- b) odobrenje za izvođenje radova izdato od strane nadležnog organa, osim za radove sanacije/rehabilitacije,
- c) dinamika izvođenja radova,
- d) elaborat privremene regulacije saobraćaja za vrijeme izvođenja radova.

Član 13.**(Privremena izmjena režima saobraćaja zbog izvođenja radova redovnog održavanja i hitnih intervencija)**

(1) Za radove redovnog održavanja saobraćajnice, radove redovnog održavanja objekata i instalacija na i uz saobraćajnicu, kao i u slučaju hitne intervencije (nanosa, odrona, klizanja terena, oticanja vode, curenja plina, odliva kanalizacije i slično) na saobraćajnici u cilju otklanjanja opasnosti ili kvara na instalacijama, ne izdaje se rješenje o privremenoj izmjeni režima saobraćaja.

(2) U slučaju hitnih intervencija iz stava (1) ovog člana izvođač radova je dužan:

- a) o radovima obavijestiti nadležnu službu, odnosno nadležnog upravitelja ceste i nadležno ministarstvo sedam dana prije početka planiranih radova, odnosno u roku od 24 sata nakon ukazane potrebe za hitnom intervencijom,
- b) da prije početka izvođenja radova, postavi privremenu saobraćajnu signalizaciju i obezbijedi mjesto na kojem se radovi izvode,

c) da u toku izvođenja radova održava privremenu saobraćajnu signalizaciju i organizuje bezbjedan saobraćaj na mjestu izvođenja radova,

d) da nakon završetka radova ukloni ostatke materijala, sredstava za rad, privremenu saobraćajnu signalizaciju i druge predmete koji su postavljeni za vrijeme izvođenja radova,

e) da saobraćajnu površinu vrati u prvobitno stanje u najkraćem roku.

(3) U realizaciji obaveza iz stava (2) ovog člana izvođač radova je dužan postupati u skladu sa važećim propisima koji regulišu predmetnu oblast.

Član 14.**(Privremena izmjena režima saobraćaja zbog organizacije javne manifestacije ili događaja)**

(1) Pod javnom manifestacijom, odnosno događajem u smislu Odluke podrazumijeva se organizacija sportskih i kulturnih događaja, protesta, memorijalnih obilježavanja, događaja značajnih za obogaćivanje i promociju turističke ponude i ostalih oblika javnog okupljanja na saobraćajnicama, koji zahtijevaju izmjenu režima saobraćaja.

(2) Privremena izmjena režima saobraćaja zbog organizacije javne manifestacije ili događaja može se odobriti na zahtjev organizatora manifestacije ili događaja, pod uslovom da održavanje tih aktivnosti ne ugrožava i ne ometa odvijanje saobraćaja u većoj mjeri.

(3) Uz zahtjev iz stava (2) ovog člana prilaže se sljedeća dokumentacija:

- a) dokaz o podnošenju prijave za izdavanje odobrenja nadležnom ministarstvu,
- b) opis događaja koji se organizuje, sa opisom karaktera događaja, učesnicima i razlogu, odnosno ciljevima koji se žele postići organizacijom istog,
- c) elaborat privremene regulacije saobraćaja za vrijeme održavanja manifestacije, odnosno događaja.

(4) Organizator je obavezan podnijeti zahtjev za privremenu izmjenu režima saobraćaja najkasnije sedam dana prije planiranog početka javne manifestacije ili događaja, a nakon izdavanja odobrenja

obavijestiti učesnike u saobraćaju o privremenoj izmjeni režima saobraćaja najkasnije 48 sati prije početka manifestacije ili događaja.

(5) Izuzetno, uz opravdano obrazloženje zahtjev za privremenu izmjenu režima saobraćaja može biti podnesen dva dana prije planirane manifestacije ili događaja.

(6) Obaveza organizatora je da ukloni rekvizite, pomagala i druga korištena sredstva, te da dovede saobraćajnicu u prethodno stanje u roku utvrđenom odobrenjem za privremenu izmjenu režima saobraćaja.

Član 15.

(Sadržaj Elaborata privremene regulacije saobraćaja)

(1) Pored općih podataka, Elaborat privremene regulacije saobraćaja obavezno sadrži tehnički i grafički dio.

(2) Tehnički dio Elaborata privremene regulacije saobraćaja sadrži tehnički opis postojećih i planiranih saobraćajnih tokova, pregled postojeće saobraćajne signalizacije i planirane privremene saobraćajne signalizacije za vrijeme izvođenja radova, odnosno održavanja javne manifestacije ili događaja.

(3) Grafički dio Elaborata privremene regulacije saobraćaja sadrži grafički prikaz načina odvijanja saobraćaja tokom izvođenja radova, odnosno održavanja javne manifestacije ili događaja u formi pregledne situacije na geodetskoj podlozi u mjerilu 1:1000 ili digitalnoj ortofoto karti.

DIO ČETVRTI - OGRANIČENJA I ZABRANE POGLAVLJE I. PJEŠAČKE ZONE

Član 16.

(Definicija pješačke zone)

(1) Pješačka zona je uređena saobraćajna površina namijenjena za kretanje pješaka.

(2) Pješačka zona obuhvata Trg Alije Izetbegovića, ulicu Maršala Tita, ulicu Muhameda Seida Serdarevića, dio ulice Mehmedalije Tarabara i dio ulice Huseina Kulenovića.

(3) Motorna vozila u pješačkoj zoni mogu se kretati isključivo na osnovu i pod uslovima utvrđenim odobrenjem nadležnog ministarstva, odnosno nadležne službe.

(4) Kretanje bicikala, električnih romobila, odnosno svih drugih ličnih električnih prijevoznih sredstava nije dozvoljeno u pješačkoj zoni, osim lica u pokretnoj stolici za nemoćna lica koju pokreću vlastitom snagom ili snagom motora.

(5) Pješačka zona označava se odgovarajućom saobraćajnom signalizacijom.

(6) U pješačkoj zoni je ograničena brzina kretanja motornih vozila na 20 km/h, osim za vozila hitnih i interventnih službi.

(7) Grafički prikaz pješačkih zona sastavni je dio Odluke.

Član 17.

(Kretanje vozila u pješačkoj zoni bez posebnog odobrenja)

Izuzetno, u pješačkoj zoni bez posebnog odobrenja mogu se kretati:

- a) vozila hitne pomoći, vatrogasne službe, sudske policije, ministarstva unutrašnjih poslova i oružanih snaga, kad posebnim uređajima daju svjetlosne i zvučne znakove i izvršavaju određeni službeni zadatak,
- b) vozila inspekcijских organa kada vrše inspekcijски nadzor,
- c) vozila za prijevoz umrlih lica,
- d) vozila javnog preduzeća i drugog pravnog lica u slučajevima radova na održavanju čistoće i odvoza komunalnog otpada,
- e) vozila javnog preduzeća čiji je osnivač Grad Zenica kada obavljaju poslove iz okvira svoje nadležnosti.

Član 18.

(Kretanje vozila u pješačkoj zoni uz odobrenje nadležnog ministarstva)

(1) Vlasnik vozila koji ima prebivalište unutar pješačke zone s osiguranim mjestom za parkiranje, do kojeg je moguće doći isključivo preko pješačke zone, može se kretati motornim vozilom do mjesta prebivališta u pješačkoj zoni uz odobrenje nadležnog ministarstva.

(2) Uz zahtjev za izdavanje odobrenja iz stava (1) ovog člana dostavlja se sljedeća dokumentacija:

- a) fotokopija lične karte,
- b) uvjerenje o prebivalištu,
- c) fotokopija potvrde o registraciji,
- d) dokaz o osiguranom mjestu za parkiranje.

Član 19.**(Kretanje vozila u pješačkoj zoni uz odobrenje nadležne službe)**

U pješačkoj zoni se, uz odobrenje nadležne službe, mogu kretati motorna vozila:

- a) kojim se vrši snabdijevanje robom pravnih i fizičkih lica koja imaju poslovno sjedište, odnosno obavljaju djelatnost unutar pješačke zone,
- b) pravnih i fizičkih lica koja izvođe radove ili pružaju usluge za koje je neophodan ulazak motornih vozila u pješačku zonu,
- c) čiji je ulazak u pješačku zonu neophodan iz drugih opravdanih razloga (snabdijevanje ogrijevom, prijevoz namještaja, građevinskog materijala, selidba, održavanje priredbi, izložbi, kulturno-zabavnih i sportskih manifestacija, itd.).

Član 20.**(Snabdijevanje pravnih i fizičkih lica u pješačkoj zoni)**

(1) Zahtjev za izdavanje odobrenja za kretanje vozila u svrhu snabdijevanja u pješačkoj zoni može podnijeti pravno ili fizičko lice koje ima poslovno sjedište, odnosno obavlja djelatnost unutar pješačke zone i pravno ili fizičko lice koje vrši snabdijevanje uz dostavljanje sljedeće dokumentacije:

- a) dokaz da pravno, odnosno fizičko lice ima sjedište ili obavlja djelatnost unutar pješačke zone ili vrši snabdijevanje (aktuelni izvod iz sudskog registra ili rješenje o obavljanju djelatnosti ili ugovor o snabdijevanju),
- b) ugovor o zakupu poslovnog prostora ili dokaz o vlasništvu poslovnog prostora,
- c) fotokopiju potvrde o registraciji za vozilo kojim se vrši snabdijevanje.

(2) Snabdijevanje pravnih i fizičkih lica u pješačkoj zoni može se vršiti u vremenu od 06,00 sati do 09,00 sati svaki dan.

Član 21.**(Izvođenje radova ili pružanje usluga u pješačkoj zoni)**

Zahtjev za izdavanje odobrenja za kretanje vozila u svrhu izvođenja radova ili pružanje usluga za koje je neophodan ulazak motornog vozila u pješačku zonu može podnijeti pravno ili fizičko lice koje izvodi ra-

dove, odnosno pruža usluge, uz dostavljanje sljedeće dokumentacije:

- a) dokaz da je pravno, odnosno fizičko lice registrovano za obavljanje predmetne djelatnosti izvođenja radova, odnosno pružanja usluga (aktuelni izvod iz sudskog registra ili rješenje o obavljanju djelatnosti),
- b) dokaz o neophodnosti izvođenja radova, odnosno pružanju usluga (nalog, ugovor i slično),
- c) fotokopiju potvrde o registraciji za vozilo.

Član 22.**(Kretanje vozila u pješačkoj zoni iz drugih opravdanih razloga)**

Zahtjev za izdavanje odobrenja za kretanje vozila u pješačkoj zoni iz drugih opravdanih razloga može podnijeti pravno i fizičko lice, uz dostavljanje:

- a) podataka o podnosiocu zahtjeva,
- b) obrazloženje o potrebi kretanja vozila,
- c) fotokopiju potvrde o registraciji za vozilo.

Član 23.**(Odobrenje za kretanje vozila u pješačkoj zoni)**

(1) Zahtjev za izdavanje odobrenja za kretanje vozila u pješačkoj zoni podnosi se najkasnije osam dana prije dana navedenog za početak kretanja vozila.

(2) Odobrenje za kretanje vozila u pješačkoj zoni može se izdati samo za vozila čija ukupna masa ne prelazi tri i po tone.

(3) Izuzetno, uz posebno odobrenje nadležne službe, u pješačkoj zoni može se kretati vozilo, odnosno radna mašina čija najveća dozvoljena masa prelazi tri i po tone, ukoliko je to neophodno za izvođenje određenih aktivnosti, a koje se na drugačiji način ne mogu izvesti.

(4) Odobrenje za kretanje vozila u pješačkoj zoni izdaje se na period od godinu dana ili na period do 30 dana, u zavisnosti od svrhe.

(5) Vozilo kojem je izdato odobrenje za kretanje u pješačkoj zoni može se u istoj zadržavati samo za vrijeme koje je neophodno za snabdijevanje, izvođenje radova, pružanje usluga i zadovoljavanje ostalih potreba.

Član 24.**(Fizičke prepreke na ulazu u pješačku zonu)**

(1) Ulazak u pješačku zonu može biti kontrolisan putem fizičkih prepreka.

(2) U slučaju iz stava (1) ovog člana, odobrenjem nadležnog ministarstva, odnosno nadležne službe, utvrđuju se i uslovi za korištenje ključa, daljinskog upravljača ili drugog uređaja za pomjeranje fizičkih prepreka.

Član 25.**(Naknada za kretanje vozila u pješačkoj zoni)**

(1) Za odobreni ulazak, kretanje i zadržavanje vozila u pješačkoj zoni plaća se naknada.

(2) Visina naknade iz stava (1) ovog člana, način plaćanja, osnovi oslobađanja od plaćanja i druga pitanja koja se odnose na naknadu regulišu se posebnim aktom koji donosi Gradonačelnik na prijedlog nadležne službe.

POGLAVLJE II. ZONA SA OGRANIČENIM SAOBRAĆAJEM ZA ODREĐENU KATEREGORIJU VOZILA**Član 26.****(Kretanje teretnih vozila čija najveća dozvoljena masa prelazi pet tona)**

(1) Zabranjeno je kretanje teretnih vozila čija najveća dozvoljena masa prelazi pet tona kroz uže gradsko područje.

(2) Izuzetno od stava (1) ovog člana kretanje teretnih vozila čija najveća dozvoljena masa prelazi pet tona dozvoljeno je putanjama (itinererima) kako slijedi:

- a) cesta M 17 - Petlja Blatuša - GGM - Raspotočje - Drivuša,
- b) cesta M 17 - Petlja Blatuša - GGM - Kružni tok Bojin vir - Bulevar Ezhera Eze Arnautovića - Drvena Čuprija - Prve zeničke brigade,
- c) cesta M 17 - Petlja Blatuša - GGM - Kružni tok Bojin vir - Bulevar Ezhera Eze Arnautovića - Drvena Čuprija - M 17,
- d) cesta M 17 - Petlja Blatuša - GGM - Kružni tok Bojin vir - Bulevar Ezhera Eze Arnautovića - Drvena Čuprija - Goraždanska,
- e) cesta M 17 - Petlja Blatuša - GGM - Travnička,
- f) cesta M 17 - Petlja Blatuša - GGM - ZAVNOBiH-a.

(3) Zabrana iz stava (1) ovog člana ne odnosi se na sljedeća vozila:

- a) vozilo hitne pomoći, vatrogasne službe, ministarstva unutrašnjih poslova i oružanih snaga,
- b) vozilo javnog preduzeća i drugih pravnih lica u slučajevima radova na održavanju čistoće, odvoza komunalnog otpada, održavanja komunalne infrastrukture, električnih i telekomunikacionih objekata i uređaja, kao i svih drugih radova koji se izvode na osnovu ugovora sa Gradom Zenica,
- c) vozila koja vrše javni linijski prijevoz putnika,
- d) vozila autoškola kad obavljaju radnje za koja su namijenjena.

Član 27.**(Uže gradsko područje)**

(1) Pod užim gradskim područjem u smislu Odluke smatra se područje oivičeno ulicama, uključujući i navedene ulice:

GGM (regionalna cesta R441 i R445 od petlje Blatuša do kružnog toka Lovac) - Štrosmajerova (do spoja sa ulicom Armije R BiH) - Armije R BiH - GGM (regionalna cesta R445 od kružnog toka Mokušnice do kružnog toka Bojin vir) - Bulevar Ezhera Eze Arnautovića (od kružnog toka Bojin vir do kružnog toka Drveni most) - Drvena čuprija - Prve zeničke brigade - Crkvice - Aleja šehida - Bulevar Kulina bana - Željeznička - Blatuša - petlja Blatuša.

(2) Grafički prikaz užeg gradskog područja i dozvoljene putanje kretanja teretnih vozila kroz uže gradsko područje je sastavni dio Odluke.

Član 28.**(Posebno odobrenje za kretanje teretnih vozila)**

(1) Izuzetno od člana 26. stav (1) Odluke, uz posebno odobrenje nadležne službe u užem gradskom području, mogu se kretati vozila (radne mašine) čija najveća dozvoljena masa prelazi pet tona, koja su neophodna za izvođenje određenih radova na izgradnji i održavanju objekata i infrastrukture, a koji se na drugačiji način ne mogu izvesti.

(2) Naknada za kretanje teretnih vozila iz stava (1) ovog člana regulišu se posebnim aktom, koji donosi Gradonačelnik na prijedlog nadležne službe.

Član 29.**(Vozila za prijevoz opasnih materija)**

Vozila koja prevoze opasne materije ne smiju se zadržavati u užem gradskom području i u naseljenim mjestima grada, osim na mjestima koja su drugim propisima utvrđena za te namjene (benzinske pumpe, naftni terminali, registrovana skladišta itd.).

Član 30.**(Saobraćaj zaprežnim vozilima i kretanje stoke)**

Na užem gradskom području nije dozvoljeno kretanje zaprežnim vozilima, kao i gonjenje stoke u krdu, stadu ili pojedinačno.

DIO PETI - SAOBRAĆAJ U MIROVANJU**Član 31.****(Javna parkirališta)**

(1) Javnim parkiralištem u smislu Odluke smatra se javna površina namijenjena isključivo za parkiranje vozila.

(2) Javna parkirališta označavaju se saobraćajnom signalizacijom, u skladu sa propisima o sigurnosti saobraćaja.

Član 32.**(Organizacija javnih parkirališta)**

Organizacija, upravljanje i održavanje javnih parkirališta reguliše se posebnom odlukom.

Član 33.**(Zaustavljanje i parkiranje vozila)**

(1) Zaustavljanje i parkiranje motornih vozila može se vršiti samo na način određen Zakonom i Odlukom.

(2) Pored slučajeva predviđenih Zakonom, zabranjeno je zaustavljanje i parkiranje vozila i u sljedećim slučajevima:

- a) ispred ulaza u garažu ili pasaž,
- b) ispred mjesta za smještaj posuda za kućni otpad (kontejnera i kontejnerskih mjesta) kojima se onemogućava njihovo pražnjenje i čišćenje,
- c) na određenim javnim saobraćajnim površinama gdje se vrši čišćenje i uklanjanje snijega za vrijeme čišćenja i uklanjanja snijega.

(3) Premještanje nepropisno zaustavljenog ili parkirano vozila obavlja nadležno ministarstvo u skladu sa odredbama Zakona.

DIO ŠESTI - OSPOSOBLJAVANJE KANDIDATA ZA VOZAČA MOTORNOG VOZILA**Član 34.****(Početno osposobljavanje)**

(1) Početno osposobljavanje za vozača motornih vozila u trajanju od prva četiri časa osposobljavanja u gradu Zenica može se izvoditi samo na poligonu ili cesti sa manjom frekvencijom saobraćaja.

(2) Cestu sa manjom frekvencijom saobraćaja za početnu obuku kandidata za vozače motornih vozila određuje nadležna služba.

Član 35.**(Saobraćajnice i satnice namijenjene za osposobljavanje kandidata)**

(1) Osposobljavanje kandidata za vozača motornih vozila u vremenu od 06,00 sati do 08,00 sati i od 15,00 sati do 17,00 sati, a subotom i srijedom od 08,00 sati do 14,00 sati nije dozvoljeno na dijelu gradskog područja oivičenog ulicama: Sarajevska (od kružnog toka Bojin vir do spoja sa ulicom Školska), Školska, Aleja šehida, Crkvice (od spoja sa ulicom Aleja šehida do kružnog toka Babina rijeka), Drvena ćuprija, Bulevar Ezhera Eze Arnautovića (od kružnog toka Drveni most do kružnog toka Bojin vir).

(2) Zabrana iz stava (1) ovog člana se ne odnosi na kandidate za vrijeme polaganja ispita za vozača motornih vozila i učenike Srednje mješovite škole „Mladost“ Zenica.

DIO SEDMI - POSEBNE MJERE BEZBJEDNOSTI**Član 36.****(Zauzimanje javnih saobraćajnih površina)**

(1) Prilikom zauzimanja javnih saobraćajnih površina moraju biti zadovoljeni sljedeći saobraćajni uslovi i ograničenja:

- a) širina slobodnog prolaza za pješake mora iznositi najmanje 1,6 m,
- b) ne smije se ugrožavati ugao preglednosti na raskrsnici, protočnost ili sigurnost motornog ili pješačkog saobraćaja.

(2) Izuzetno od prethodnog stava, u slučaju nepostojanja tehničkih ili prostornih mogućnosti širina slobodnog prolaza za pješake može iznositi i manje od 1,6 m.

Član 37.**(Postavljanje fizičkih prepreka na javnim saobraćajnim površinama)**

U cilju osiguravanja preglednosti, protočnosti i sigurnosti saobraćaja, kao i u svrhu organizacije saobraćaja na javnim saobraćajnim površinama mogu se postavljati fizičke prepreke (betonske kalote, betonski, metalni i gumeni stubići, žardinjere i slično) po nalogu nadležne službe.

DIO OSMI - KOMISIJA ZA SIGURNOST SAOBRAĆAJA**Član 38.****(Osnivanje)**

(1) S ciljem unapređenja saobraćajno-obrazovnog rada, saobraćajne kulture i koordiniranja svih subjekata koji svojim djelovanjem mogu doprinijeti većoj sigurnosti saobraćaja osniva se Komisija za sigurnost saobraćaja (u daljem tekstu: Komisija).

(2) Sredstva za rad Komisije osiguravaju se iz Budžeta Grada Zenica.

(3) Komisiju imenuje Gradonačelnik i ista ima sedam članova iz reda stručnjaka iz oblasti značajnih za sigurnost saobraćaja, te predstavnika državnih organa i tijela nadležnih za sigurnost saobraćaja.

(4) Najmanje tri člana Komisije moraju biti diplomirani inženjeri cestovnog saobraćaja.

Član 39.**(Nadležnost Komisije)**

Komisija ima pravo i obavezu da:

- a) razmatra pitanja i daje prijedloge za izmjenu organizacije saobraćaja u gradu Zenica,
- b) radi na unapređenju saobraćajnog odgoja i osposobljavanja mladih za učestvovanje u saobraćaju,
- c) radi na unapređenju propagandnog i informativnog djelovanja prema učesnicima u saobraćaju,
- d) ostvaruje saradnju i koordinaciju sa tijelima i organizacijama koje djeluju u oblasti saobraćaja,
- e) razmatra i daje mišljenja na nacрте i prijedloge propisa kojima se uređuju pitanja od značaja za sigurnost i unapređenje saobraćaja,
- f) daje mišljenje za određivanje i uređivanje parkirališta,

- g) predlaže konkretne mjere za regulisanje saobraćaja u naseljenim mjestima,
- h) daje mišljenje u vezi s rješavanjem pitanja iz oblasti javnog prijevoza putnika,
- i) obavlja i druge poslove od interesa za sigurnost saobraćaja.

DIO DEVETI - NADZOR**Član 40.****(Nadzor)**

Nadzor nad provođenjem Odluke vrše ovlaštena lica nadležnog ministarstva.

DIO DESETI - KAZNENE ODREDBE**Član 41.****(Novčane kazne)**

(1) Novčanom kaznom u iznosu od 500,00 do 3000,00 KM kaznit će se pravno lice za prekršaj ako:

- a) pristupi izvođenju radova bez prethodno pribavljenog odobrenja za privremenu izmjenu režima saobraćaja - član 12. Odluke,
- b) u postupku izvođenja hitnih intervencija, koji uključuju obaveznu privremenu izmjenu režima saobraćaja ne postupi u skladu sa članom 13. Odluke,
- c) u postupku organizacije javne manifestacije ili događaja ne postupi u skladu sa članom 14. Odluke,
- d) se u pješačkoj zoni kreće motornim vozilom bez posebnog odobrenja nadležne službe, odnosno nadležnog ministarstva, odnosno suprotno izdatom odobrenju - član 16. stav (3) Odluke,
- e) se u pješačkoj zoni kreće motornim vozilom ili drugim prijevoznim sredstvom brzinom većom od 20km/h - član 16. stav (6) Odluke,
- f) postupi suprotno članu 26. i 28. Odluke,
- g) postupi suprotno članu 29. i 30. Odluke,
- h) zaustavi ili parkira motorno vozilo suprotno članu 33. Odluke,
- i) vrši početno osposobljavanje i osposobljavanje za vozača motornih vozila suprotno članu 34. i 35. Odluke,

- j) zauzima javnu saobraćajnu površinu suprotno članu 36. Odluke,
- k) ako suprotno odredbi člana 37. postavi fizičke prepreke na javnim saobraćajnim površinama.

(2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom u iznosu od 100,00 do 1000,00 KM.

(3) Za prekršaje iz stava (1) ovog člana kaznit će se fizičko lice novčanom kaznom u iznosu od 50,00 do 300,00 KM.

(4) Za prekršaje iz stava (1) ovog člana kaznit će se osoba koja samostalno obavlja poslovnu djelatnost novčanom kaznom u iznosu od 100,00 do 500,00 KM.

Član 42.

(Prihod od novčanih kazni)

Novčane kazne naplaćene po Odluci prihod su Grada Zenica, a koriste se za finansiranje preventivnih aktivnosti u cestovnom saobraćaju (informativno - propagandna djelatnost, unapređenje saobraćajno - tehničke kulture, preventivne aktivnosti Komisije za sigurnost saobraćaja i drugo).

DIO JEDANAESTI PRIJELAZNE I ZAVRŠNE ODREDBE

Član 43.

(Usklađivanje poslovanja)

Pravna i fizička lica dužna su svoje poslovanje uskladiti u roku od šest mjeseci od dana stupanja na snagu ove Odluke, u kojem periodu se neće primjenjivati zabrana iz člana 23. stav (2) i člana 26. Odluke.

Član 44.

(Prestanak važenja)

Stupanjem na snagu Odluke prestaje da važi Odluka o organizaciji i sigurnosti saobraćaja na cestama ("Službene novine Općine Zenica", broj 9/11 - prečišćen tekst).

Član 45.

(Supsidijarna primjena propisa)

Za sve što nije regulisano ovom Odlukom primjenjuju se odredbe Zakona o osnovama sigurnosti saobraćaja na putevima u Bosni i Hercegovini i podzakonski akti doneseni na osnovu istog.

Član 46.


(Stupanje na snagu)

Odluka stupa na snagu osmog dana od dana objavljivanja u Službenim novinama Grada Zenica.

Broj: 01-45-19359/24
Zenica, 25.09.2024. godine

PREDSJEDAVAJUĆI
GRADSKOG VIJEĆA
Mirza Husetić, s.r.

GRAFIČKI PRIKAZ PJEŠAČKE ZONE U GRADU ZENICA




LEGENDA




pješačka zona u gradu Zenica


GRAFIČKI PRIKAZ UŽEG GRADSKOG PODRUČJA GRADA ZENICA



LEGENDA

 granice užeg gradskog područja grada Zenica


GRAFIČKI PRIKAZ PUTANJA KOJIM JE DOZVOLJENO KRETANJE MOTORNIH VOZILA NAJVEĆE DOZVOLJENE MASE PREKO 5 TONA




LEGENDA

putanje kojim je dozvoljeno kretanje motornih vozila najveće dozvoljene mase preko 5 tona

GRAFIČKI PRIKAZ PODRUČJA NA KOJEM NIJE DOZVOLJENO OSPOSOBLJAVANJE KANDIDATA ZA VOZAČA MOTORNIH VOZILA



LEGENDA

 granice područja na kojem nije dozvoljeno osposobljavanje kandidata za vozača motornih vozila

130.

Na osnovu člana 14. stav 4. i 16. Zakona o eksproprijaciji („Službene novine Federacije BiH“, broj: 70/07, 36/10, 25/12, 8/15-Odluka US i 34/16) i člana 21. Statuta Grada Zenica („Službene novine Grada Zenica“, broj 5/15), Gradsko vijeće Zenica, rješavajući po prijedlogu JP „Grijanje“ d.o.o Zenica, na svojoj 49. sjednici, održanoj dana 25. 9 .2024. godine, donijelo je

ODLUKU**o utvrđivanju javnog interesa****Član 1.**

Utvrđuje se da je od javnog interesa očuvanje energetskih postrojenja i instalacija za potrebe sistema daljinskog grijanja, na zemljištu poblje označenom u Elaboratu eksproprijacije izrađenom od strane „Zedis“ d.o.o. Zenica, šifra: Zed-ge 15-07/2024 od jula 2024. godine, koji čini sastavni dio ove Odluke, a kojim je predviđena eksproprijacija sljedećih nekretnina:

- k.č.n.p. 318/1 po kulturi dvorište k.o. Zenica I u površini 717 m², upisana kao posjed DS-Energo-petrol-Sarajevo benz. stan sa 1/1 dijela, što po s.p. odgovara k.č. 318/1 iste kulture i površine k.o. Zenica I, upisana kao vlasništvo Opštenarodna imovina sa 1/1 dijela.

- k.č.n.p. 319 po kulturi posl. zgrada u privredi, zemljište uz privr. zgradu k.o. Zenica I, u ukupnoj površini od 222 m², upisana kao posjed DS Preporod Metaloprerađiv. preduzeće sa 1/1 dijela, što po s.p. odgovara k.č. 319 zemljište uz privr. zgradu, posl. zgrada u privredi, ukupne površine 222 m², upisana kao Državna svojina, pravo raspolaganja „Željezara“ Zenica“ d.o.o. Zenica sa 1/1 dijela.

- k.č.n.p. 325/6 po kulturi dvorište k.o Zenica I u površini 318 m², upisana kao posjed DS R.M.K.RO Željezara Zenica sa 1/1 dijela, što po s.p. odgovara 325/6 iste kulture i površine, upisana kao vlasništvo Željezara Zenica d.o.o. Zenica u stečaju sa 1/1 dijela.

- k.č.n.p. 320/3 po kulturi dvorište k.o. Zenica I u površini 500 m², upisana kao posjed DS-Preporod Metaloprerađiv. preduzeće sa 1/1 dijela, što po s.p. odgovara k.č. 320/3 k.o. Zenica I, iste kulture i površine, upisana kao Državna svojina, pravo raspolaganja Željezara „Zenica“ d.o.o Zenica sa 1/1 dijela.

- k.č.n.p. 688/1 po kulturi dvorište k.o. Zenica I u površini 1060 m², upisana kao posjed Ćosić Nikole Marija (ud Huseina) sa 1/1 dijela, što po s.p. odgovara 688/1, iste kulture i površine, upisana kao Državna svojina, Ćosić ud. Huseina Nikole Marija.

- k.č.n.p. 688/2 po kulturi dvorište k.o. Zenica I u površini 280 m², upisana kao posjed Ćosić Nikole Marija ud. Huseina sa 1/1 dijela, što po s.p. odgovara 688/2 k.o. Zenica I, upisana kao Državna svojina, Ćosić ud. Huseina Nikole Marija sa 1/1 dijela.

Član 2.

Određuje se da je korisnik eksproprijacije Javno preduzeće „Grijanje“ d.o.o. Zenica.

Član 3.

Na osnovu ove Odluke, Služba za imovinsko-pravne, geodetske poslove i katastar nekretnina Grada Zenica može pristupiti provođenju postupka eksproprijacije zemljišta navedenog u posebnom pri-logu - Elaboratu.

Član 4.

Ova odluka je konačna u upravnom postupku, ali se tužbom protiv iste može pokrenuti upravni spor kod Kantonalnog suda u Zenici u roku od 30 dana od dana dostavljanja odluke. Tužba se podnosi neposredno sudu.

Član 5.

Odluka će se objaviti u Službenim novinama Grada Zenica.

Obrazloženje

Javno preduzeće „Grijanje“ d.o.o. Zenica je zahtjevom broj: 9317/24 od 12.09.2024. godine i zahtjevom 9356/24 dostavilo prijedlog za pokretanje procedure donošenja odluke o utvrđivanju javnog interesa radi očuvanja energetskih postrojenja i instalacija, za potrebe daljinskog grijanja.

Uvidom u dostavljeni zahtjev, navedeno je da je JP „Grijanje“ d.o.o. Zenica kao distributer toplotne energije, prema čl. 194. Uslova za isporuku i preuzimanje toplotne energije iz vrelovodne mreže, dužna držati u ispravnom stanju sve svoje uređaje, te vršiti periodične preglede, ispitivanja, popravke, rekonstrukcije i sl. Od objekta Stara termoelektrana prolaze dva vrelovoda DN500“ A“ i „D“ za distribuciju vrela vode u sistemu daljinskog grijanja. Završetak nadzemnih dijelova vrelovoda DN500, komore A i D i početne dionice podzemnog dijela magistralnih vrelovoda A,

C i D se nalaze na navedenim parcelama u dispozitivu ove Odluke.

Energetska postrojenja koja se nalaze na navedenim parcelama predstavljaju bitan segment u sistemu daljinskog grijanja Grada Zenica i bez njih nije moguće funkcionisanje ovog sistema.

Predlagač je uz prijedlog dostavio Elaborat eksproprijacije šifra: Zed-ge 15-07/2024 od jula 2024. godine, sačinjen od strane "Zedis" d.o.o. Zenica. Sastavni dio Elaborata je identifikacija parcela, popis parcela, posjedovni listovi za predmetne parcele, zemljišno-knjižni izvadci za većinski dio parcela.

Polazeći od odredaba:

- člana 14. stav (4) Zakona o eksproprijaciji ("Službene novine Federacije BiH", broj: 70/07, 36/10, 25/12, 8/15-Odluka US i 34/16) kojim se propisuje da: "Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu s planskim dokumentima prostornog uređenja.

- član 16. istog zakona kojim se propisuje da: "Prijedlog za utvrđivanje javnog interesa za eksproprijaciju podnosi lice koje prema odredbama ovog zakona može biti korisnik eksproprijacije.

Prijedlog za utvrđivanje javnog interesa podnosi se Vladi, odnosno Vladi kantona ili općinskom vijeću, putem federalnog, kantonalnog organa uprave ili općinske službe za upravu za imovinsko-pravne poslove, a sadrži elaborat eksproprijacije (geodetsko-katastarski plan područja eksproprijacije, podatke o nekretninama za koje se predlaže utvrđivanje javnog interesa, procjenu vrijednosti nekretnina, cilj eksproprijacije i druge podatke za utvrđivanje javnog interesa). Nadležni organ je dužan o prijedlogu za utvrđivanje javnog interesa odlučiti u roku od 60 dana od dana prijema prijedloga.

Aktom o utvrđivanju javnog interesa, u skladu sa odredbama ovog člana, odredit će se i korisnik eksproprijacije.

Protiv akta o utvrđivanju javnog interesa može se pokrenuti upravni spor kod nadležnog suda, osim u slučajevima iz člana 15. ovog zakona."

Gradsko vijeće Grada Zenica smatra da je predlagač ispunio uslove za utvrđivanje javnog interesa, pa je na osnovu utvrđenog činjeničnog stanja, a u skladu s naprijed citiranim odredbama Zakona o eksproprijaciji, odlučeno kao u dispozitivu ove odluke.

Broj: 01-45-19262/24

Zenica, 25. 9. 2024. godine

PREDSJEDAVAJUĆI
GRADSKOG VIJEĆA
Mirza Husetić, s.r.

131.

Na osnovu člana 363. stav 1., a u vezi sa članom 298. Zakona o stvarnim pravima („Službene novine Federacije Bosne i Hercegovine“, br. 66/13 i 100/13), člana 13. stav 2. alineja peta Zakona o principima lokalne samouprave u Federaciji Bosne i Hercegovine („Sl. novine Federacije Bosne i Hercegovine“, broj: 49/06 i 51/09) i člana 21. tačka 7. i 103. stav 2. Statuta Grada Zenica („Službene novine Grada Zenica“, br. 5/15), Gradsko vijeće Grada Zenica, na 49. sjednici održanoj 25. 9. 2024. godine, donijelo je

ODLUKU

o prihvatu ponude i sklapanju Ugovora o osnivanju prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica

Član 1.

Prihvata se prijedlog Komisije za provođenje javnog konkursa za osnivanje prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica, na gradskom građevinskom zemljištu u vlasništvu Grada Zenica, kako je to utvrđeno u Zapisniku Komisije od 27.08.2024. godine, koji čini sastavni dio ove Odluke.

Član 2.

U skladu sa prijedlogom iz tačke 1. ove Odluke, sklopit će se ugovor o osnivanju prava građenja u korist Konzorcija „LS BAU INVEST“ d.o.o. Zenica i „EK EKRO“ d.o.o. Zenica, kao sticaoca prava građenja pod sljedećim uslovima:

1. Pravo građenja osniva se na gradskom građevinskom zemljištu koje se nalazi na dijelu dvije parcele koje su u planu parcelacije u Regulacionom planu Centar II označene kao PG1 i PG2, na katastarskim

zemljišnim česticama k.č. 507, k.č. 508, k.č. 580/3, k.č. 497, sve KO Zenica II, koje su u vlasništvu Grada Zenica, isključivo u granicama navedenih katastarskih čestica. Pravo građenja se osniva na objektu javne podzemne garaže sa dvije podzemne etaže, vanjskih gabarita 132,50m x 32,50m + 56,6m x 6,25m + 5,80m x 7,86m, ukupne bruto površine cca 9.475,00 m², a sve prema Idejnom projektu javne podzemne garaže i uređenja centralnog gradskog trga BiH, priloženom u sklopu ponude Konzorcija;

2. Konzorcij „LS BAU INVEST“ d.o.o. Zenica i „EK EKRO“ d.o.o. Zenica su obavezni da u sklopu izgradnje objekta javne podzemne garaže izgrade i urede i centralni gradski trg iznad garaže, te da u izgradnju i uređenje novog centralnog gradskog trga iznad podzemne garaže ulože minimalno 2.149.951,00 KM, a u skladu sa procjenom vrijednosti uređenja trga koja je sastavni dio Idejnog projekta javne podzemne garaže i uređenja centralnog gradskog trga BiH, priloženom u sklopu ponude Konzorcija. Uređenje ;

3. Jednokratna naknada za osnivanje prava građenja, koju je Konzorcij „LS BAU INVEST“ d.o.o. Zenica i „EK EKRO“ d.o.o. Zenica obavezan da uplati u roku od 15 dana od dana potpisa Ugovora o osnivanju prava građenja utvrđuje se u iznosu od 200.000,00 KM (slovima: dvijestotinehiljada KM);

4. Godišnja naknada za osnovano pravo građenja, koja se počinje plaćati tri godine nakon potpisa Ugovora o osnivanju prava građenja, koju je Konzorcij „LS BAU INVEST“ d.o.o. Zenica i „EK EKRO“ d.o.o. Zenica obavezan da plaća jednokratno godišnje do isteka Ugovora, utvrđuje se u iznosu od 200.000,00 KM (slovima: dvijestotinehiljada KM);

5. Ugovor o pravu građenja osniva se na period od 30 godina, produžen za 24 mjeseca za izgradnju objekta i uspostavu funkcije javne podzemne garaže, računajući od dana zaključenja Ugovora, s mogućnošću produženja aranžmana o upravljanju nad objektom javne podzemne garaže na period od najviše 10 godina, ukoliko bude postojao interes obje strane za ovakvom vrstom aranžmana.

Član 3.

Uslovi i način izvršavanja prava i obaveza iz člana 2. ove Odluke bit će regulisani Ugovorom o osnivanju prava građenja.

Član 4.

Nosilac prava građenja Konzorcij „LS BAU INVEST“ d.o.o. Zenica i „EK EKRO“ d.o.o. Zenica nije ovlašten prenositi pravo građenja bez saglasnosti Grada Zenica, niti ga opteretiti ograničenim stvarnim pravima u korist trećih lica.

Član 5.

Nosilac prava građenja odgovara za sve obaveze koje nastanu u vezi sa stečenim pravom građenja i obavezuje se, po prestanku prava građenja, predati Gradu Zenica nekretninu javne podzemne garaže u stanju funkcionalne ispravnosti neopterećene bilo kakvim uknjiženim ili neuknjiženim teretima.

Nosilac prava obavezuje se centralni gradski trg iznad garaže preda Gradu u vlasništvo odmah nakon završetka radova na izgradnji i uređenju istog.

Član 6.

Ovlašćuje se Gradonačelnik da, nakon što bude formirana posebna katastarska zemljišna čestica na kojoj će biti uspostavljeno pravo građenja, a u skladu sa Idejnim projektom javne podzemne garaže koji je dostavljen u sklopu ponude, sa Konzorcijem „LS BAU INVEST“ d.o.o. Zenica i „EK EKRO“ d.o.o. Zenica zaključi ugovor o pravu građenja u obliku notarski obrađenog ugovora pod uslovima utvrđenim ovom Odlukom, uvažavajući Nacrt Ugovora koji je sastavni dio dostavljene ponude Konzorcija, a u skladu sa Zakonom o stvarnim pravima („Sl. nov. Federacije Bosne i Hercegovine“, br. 66/13 i 100/13).

Nosilac prava građenja preuzima obavezu plaćanja troškova notarske obrade ugovora.

Član 7.

Sastavni dio ove Odluke je sljedeća dokumentacija:

1. Dokumentacija za javni konkurs za osnivanje prava građenja sa svim priložima,

2. Ponuda Konzorcij „LS BAU INVEST“ d.o.o. Zenica i „EK EKRO“ d.o.o. Zenica br. 103/2024,

3. Nacrt Ugovora o osnivanju prava građenja potpisan od strane ponuđača/Konzorcija,

4. Izvještaj o provedenom postupku po Javnom konkursu za osnivanje prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica od 27.08.2024. godine.

Član 8.

Ova Odluka stupa na snagu danom donošenja, a objavit će se u „Službenim novinama Grada Zenica“.

Broj: 01-45-19266/24
Zenica, 25. 9. 2024.

PREDSJEDAVAJUĆI
GRADSKOG VIJEĆA
Mirza Husetić, s.r.

GRADONAČELNIK**132.**

Na osnovu člana 59. Zakona o budžetima u FBiH (“Službene novine FBiH”, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica (“Službene novine Grada Zenica”, broj 5/15), člana 25. Odluke o izvršavanju Budžeta Grada Zenica za 2024. godinu (“Službene novine Grada Zenica”, broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za socijalnu zaštitu, stambene poslove i društvene djelatnosti Gradonačelnik Zenice donosi

Z A K L J U Č A K**o preraspodjeli sredstava u Budžetu Grada Zenica za 2024. godinu****I**

Odobrava se preraspodjela sredstava Budžeta Grada Zenica za 2024. godinu (“Službene novine Grada Zenica”, broj 1/24) na organizacionom kodu 59010001 – Služba za socijalnu zaštitu, stambene poslove i društvene djelatnosti.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 821200, funkcija 0813, budžetska pozicija 157 - “Izgradnja Eko kuće Smetovi” za iznos od 64.400,00 KM.

Formira se nova budžetska pozicija:

- ekonomski kod 821300, funkcija 0811, budžetska pozicija 165A - “Nabavka opreme za Eko kuću Smetovi” u iznosu od 64.400,00 KM.

III

Za realizaciju ovog Zaključka zadužuju se Služba za socijalnu zaštitu, stambene poslove i društvene djelatnosti i Služba za finansije.

IV

Ovaj Zaključak stupa na snagu danom donošenja, a objavit će se u „Službenim novinama Grada Zenica“.

Broj: 02-11-18301/24
Zenica, 30.09.2024. godine

GRADONAČELNIK
Fuad Kasumović, s.r.

133.

Na osnovu člana 59. Zakona o budžetima u FBiH (“Službene novine FBiH”, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica (“Službene novine Grada Zenica”, broj 5/15), člana 25. Odluke o izvršavanju Budžeta Grada Zenica za 2024. godinu (“Službene novine Grada Zenica”, broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za socijalnu zaštitu, stambene poslove i društvene djelatnosti Gradonačelnik Zenice donosi

Z A K L J U Č A K**o preraspodjeli sredstava u Budžetu Grada Zenica za 2024. godinu****I**

Odobrava se preraspodjela sredstava Budžeta Grada Zenica za 2024. godinu (“Službene novine Grada Zenica”, broj 1/24) na organizacionom kodu 59010001 – Služba za socijalnu zaštitu, stambene poslove i društvene djelatnosti.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 613300, funkcija 0561, budžetska pozicija 111 - "Izdaci za deratizaciju" za iznos od 8.000,00 KM.

Povećava se:

- ekonomski kod 613900, funkcija 0831, budžetska pozicija 118 - "Izdaci za informisanje, troškovi obilježavanja manifestacija u gradu i ostale usluge" u iznosu od 8.000,00 KM.

III

Za realizaciju ovog Zaključka zadužuju se Služba za socijalnu zaštitu, stambene poslove i društvene djelatnosti i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-18368/24

Zenica, 03.10.2024. godine

GRADONAČELNIK
Fuad Kasumović, s.r.

134.

Na osnovu člana 59. Zakona o budžetima u FBiH ("Službene novine FBiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica ("Službene novine Grada Zenica", broj 5/15), člana 25. Odluke o izvršavanju Budžeta Grada Zenica za 2024. godinu ("Službene novine Grada Zenica", broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za socijalnu zaštitu, stambene poslove i društvene djelatnosti Gradonačelnik Zenice donosi

ZAKLJUČAK**o preraspodjeli sredstava u Budžetu Grada Zenica za 2024. godinu****I**

Odobrava se preraspodjela sredstava Budžeta Grada Zenica za 2024. godinu ("Službene novine Grada Zenica", broj 1/24) na organizacionom kodu 59010001 – Služba za socijalnu zaštitu, stambene poslove i društvene djelatnosti.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 614200, funkcija 1091, budžetska pozicija 120 - "Transferi pojedincima (alternativni smještaj, pomoć za liječenje teško oboljelih osoba i djece, vantjelesna oplodnja, boravak djece u predškolskim ustanovama, školovanje i dr." za iznos od 5.000,00 KM.

Povećava se:

- ekonomski kod 614200, funkcija 0982, budžetska pozicija 122 - "Transferi pojedincima - nagrade za nadarene učenike, studente, sportiste i dr." u iznosu od 5.000,00 KM.

III

Za realizaciju ovog Zaključka zadužuju se Služba za socijalnu zaštitu, stambene poslove i društvene djelatnosti i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-18369/24
Zenica, 03.10.2024. godine

GRADONAČELNIK
Fuad Kasumović, s.r.

135.

Na osnovu člana 59. Zakona o budžetima u FBiH ("Službene novine FBiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica ("Službene novine Grada Zenica", broj 5/15), člana 25. Odluke o izvršavanju Budžeta Grada Zenica za 2024. godinu ("Službene novine Grada Zenica", broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za privredu, gradsku imovinu i upravljanje razvojem, Gradonačelnik Zenice donosi

ZAKLJUČAK**o preraspodjeli sredstava u Budžetu Grada Zenica za 2024. godinu**

I

Odobrava se preraspodjela sredstava Budžeta Grada Zenica za 2024. godinu ("Službene novine Grada Zenica", broj 1/24) na organizacionom kodu 58010001 – Služba za privredu, gradsku imovinu i upravljanje razvojem.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 613900, funkcija 0493, budžetska pozicija 89 - "Učešće u finansiranju projekata (Strategija razvoja, IPA, CBC, MED i dr.)" za iznos od 10.000,00 KM.

Povećava se:

- ekonomski kod 613900, funkcija 0496, budžetska pozicija 86 - "Ugovorene i druge posebne usluge" za iznos od 10.000,00 KM.

III

Za realizaciju ovog Zaključka zadužuju se Služba za privredu, gradsku imovinu i upravljanje razvojem i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-45-17868/24
Zenica, 20.09.2024. godine

GRADONAČELNIK
Fuad Kasumović, s.r.

136.

Na osnovu člana 59. Zakona o budžetima u FBiH ("Službene novine FBiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica ("Službene novine Grada Zenica", broj 5/15), člana 25. Odluke o izvršavanju Budžeta Grada Zenica za 2024. godinu ("Službene novine Grada Zenica", broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za vodoprivredu, putnu infrastrukturu i mjesne zajednice, Gradonačelnik Zenice donosi

ZAKLJUČAK**o preraspodjeli sredstava u Budžetu Grada Zenica za 2024. godinu**

I

Odobrava se preraspodjela sredstava Budžeta Grada Zenica za 2024. godinu ("Službene novine Grada Zenica", broj 1/24) na organizacionom kodu 61010001 – Služba za vodoprivredu, putnu infrastrukturu i mjesne zajednice.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 616100, funkcija 0171, budžetska pozicija 261 - "Kamate na pozajmice primljene kroz Državu - kredit od Saudijskog fonda za razvoj - GGM", za iznos od 98.500,00 KM.

Povećava se:

- ekonomski kod 613300, funkcija 0462, budžetska pozicija 244 - "Zimska služba na lokalnim i nekategorisanim putevima", za iznos od 98.500,00 KM.

III

Za realizaciju ovog Zaključka zadužuju se Služba za vodoprivredu, putnu infrastrukturu i mjesne zajednice i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-17762/24

Zenica, 20.09.2024. godine

GRADONAČELNIK
Fuad Kasumović, s.r.

137.

Na osnovu člana 59. Zakona o budžetima u FBiH ("Službene novine FBiH", broj 102/13, 9/14, 13/14, 8/15, 9/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica ("Službene novine Grada Zenica", broj 5/15), člana 25. Odluke o izvršavanju Budžeta Grada Zenica za 2024. godinu ("Službene novine Grada Zenica", broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za vodoprivredu, putnu infrastrukturu i mjesne zajednice, Gradonačelnik Zenice donosi

ZAKLJUČAK**o preraspodjeli sredstava u Budžetu Grada Zenica za 2024. godinu****I**

Odobrava se preraspodjela sredstava Budžeta Grada Zenica za 2024. godinu ("Službene novine Grada Zenica", broj 1/24) na organizacionom kodu 61010001 – Služba za vodoprivredu, putnu infrastrukturu i mjesne zajednice.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 821600, funkcija 0625, budžetska pozicija 273 - "Rekonstrukcija Trga Alije Izetbegovića", za iznos od 80.000,00 KM.

Povećava se:

- ekonomski kod 821200, funkcija 0461, budžetska pozicija 262 - "Nabavka građevina (autobuske nadstrešnice i dr.)", za iznos od 80.000,00 KM.

III

Za realizaciju ovog Zaključka zadužuju se Služba za vodoprivredu, putnu infrastrukturu i mjesne zajednice i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-18038/24

Zenica,

GRADONAČELNIK
Fuad Kasumović, s.r.

138.

Na osnovu člana 34. Statuta Grada Zenica ("Službene novine Grada Zenica", broj: 5/15), člana 19. Odluke o izvršavanju Budžeta Grada Zenica za 2024. godinu ("Službene novine Grada Zenica", broj: 1/24), Odluke Vlade Zeničko-dobojskog kantona o odobravanju sredstava na ime pomoći Gradu Zenica radi saniranja šteta nastalih prirodnom nepogodom - zemljotresom broj: 02-11-14172/24 od 09.08.2024. godine, te Sporazuma za saniranje šteta nastalih prirodnom nepogodom - zemljotresom, broj: 02-45-16801/24 od 12.08.2024. godine, na prijedlog Službe civilne zaštite, Gradonačelnik Zenice donosi

ZAKLJUČAK**o uvećanju sredstava u Budžetu Grada Zenica za 2024. godinu****I**

Odobrava se uvećanje sredstava u Budžetu Grada Zenica za 2024. godinu ("Službene novine Grada Zenica", broj: 1/24) u iznosu od 140.000,00 KM na organizacionom kodu 60010001 – Služba civilne zaštite .

II

Uvećanje sredstava u Budžetu Grada Zenica za 2024. godinu iz tačke I vrši se na sljedeći način:

- a) u dijelu A - 2 PRIHODI I PRIMICI:
- formira se nova budžetska pozicija 102A - "Kapitalni transfer od kantona za sanaciju šteta nastalih usljed zemljotresa u MZ Ljubetovo", ekonomski kod 742114, u iznosu od 140.000,00 KM.

Nakon uvećanja UKUPNO PRIHODI I PRIMICI BUDŽETA iznose 109.395.059,17 KM, a UKUPNO PRIHODI I PRIMICI BUDŽETA SA AKUMULISANIM SUFICITOM iznose 119.334.934,96 KM.

- b) u dijelu B - 2 POSEBAN DIO - RASHODI I IZDACI PO BUDŽETSKIM KORISNICIMA:

- na organizacionom kodu 60010001 – Služba civilne zaštite, formira se nova budžetska pozicija 207B - "Kapitalni transferi pojedincima u MZ Ljubetovo za sanaciju šteta nastalih usljed zemljotresa - kanton", ekonomski kod 615200, funkcija 1061, u iznosu od 140.000,00 KM.

Nakon uvećanja UKUPNO RASHODI I IZDACI BUDŽETA iznose 109.395.059,17 KM, a UKUPNO RASHODI I IZDACI BUDŽETA SA RASPOREDOM AKUMULISANOG SUFICITA iznose 119.334.934,96 KM.

III

Za realizaciju ovog Zaključka zadužuju se Služba civilne zaštite i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-40-17584/24
Zenica, 12.09.2024. god.

GRADONAČELNIK
Fuad Kasumović, s.r.

139.

Na osnovu člana 34. Statuta Grada Zenica ("Službene novine Grada Zenica", broj: 5/15), člana 19. Odluke o izvršavanju Budžeta Grada Zenica za 2024. godinu ("Službene novine Grada Zenica", broj: 01/24) i Odluke o odobravanju sredstava Gradu Zenici u svrhu sufinansiranja kapitalnog projekta za 2024. godinu, broj: 02-11-11044/24 od 11.06.2024. godine, na prijedlog Službe za socijalnu zaštitu, stambene poslove i društvene djelatnosti, Gradonačelnik Zenice donosi

ZAKLJUČAK

o uvećanju sredstava u Budžetu Grada Zenica za 2024. godinu

I

Odobrava se uvećanje sredstava u Budžetu Grada Zenica za 2024. godinu ("Službene novine Grada Zenica", broj: 01/24) u iznosu od 200.000,00 KM na organizacionom kodu 59010001 – Služba za socijalnu zaštitu, stambene poslove i društvene djelatnosti.

II

Uvećanje sredstava u Budžetu Grada Zenica za 2024. godinu iz tačke I vrši se na sljedeći način:

- a) u dijelu A - 2 PRIHODI I PRIMICI:
- formira se nova budžetska pozicija 102E - "Kapitalni transfer od kantona za projekat Uređenje unutrašnjih prostora zgrade Bosanskog narodnog pozorišta Zenica", ekonomski kod 742114, u iznosu od 200.000,00 KM.

Nakon uvećanja UKUPNO PRIHODI I PRIMICI BUDŽETA iznose 111.089.034,99 KM, a UKUPNO PRIHODI I PRIMICI BUDŽETA SA AKUMULISANIM SUFICITOM iznose 121.028.910,78 KM.

- a) u dijelu B - 2 POSEBAN DIO - RASHODI I IZDACI PO BUDŽETSKIM KORISNICIMA:
- na organizacionom kodu 59010001 - Služba za socijalnu zaštitu, stambene poslove i društvene djelatnosti, formira se nova budžetska pozicija 165B - "Nabavka opreme po projektu Uređenje unutrašnjih prostora zgrade Bosanskog narodnog pozorišta Zenica - kanton", ekonomski kod 821300, funkcija 0821, u iznosu od 200.000,00 KM.

Nakon uvećanja UKUPNO RASHODI I IZDACI BUDŽETA iznose 111.089.034,99 KM, a UKUPNO RASHODI I IZDACI BUDŽETA SA RASPOREDOM AKUMULISANOG SUFICITA iznose 121.028.910,78 KM.

III

Za realizaciju ovog Zaključka zadužuju se Služba za socijalnu zaštitu, stambene poslove i društvene djelatnosti i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-18351/24
Zenica, 03.10.2024. godine

GRADONAČELNIK
Fuad Kasumović, s.r.

140.

Na osnovu člana 34. Statuta Grada Zenica ("Službene novine Grada Zenica", broj: 5/15), člana 19. Odluke o izvršavanju Budžeta Grada Zenica za 2024. godinu ("Službene novine Grada Zenica", broj: 1/24), Odluke Vlade Zeničko-dobojskog kantona o odobravanju sredstava za realizaciju kapitalnih projekata drugim nivoima vlasti iz oblasti cestovne infrastrukture Zeničko-dobojskog kantona za 2024. godinu, broj: 02-11-11251/24 od 14.06.2024. godine, te ugovora o prenosu sredstava, zaključenih između Ministarstva za prostorno uređenje, promet i komunikacije i zaštitu okoline, Kantonalne direkcije za ceste Zeničko-dobojskog kantona i Grada Zenica, broj: 02-45-12726/24 od 01.07.2024. godine, broj: 02-45-12726/24-1 od 01.07.2024. godine i broj: 02-45-12726/24-2 od 01.07.2024. godine, Gradonačelnik Zenice donosi

ZAKLJUČAK

o uvećanju sredstava u Budžetu Grada Zenica za 2024. godinu

I

Odobrava se uvećanje sredstava u Budžetu Grada Zenica za 2024. godinu ("Službene novine Grada Zenica", broj: 1/24), u iznosu od 493.975,82 KM na organizacionom kodu 61010001 - Služba za vodoprivredu, putnu infrastrukturu i mjesne zajednice.

II

Uvećanje sredstava u Budžetu Grada Zenica za 2024. godinu iz tačke I vrši se na sljedeći način:

- a) u dijelu A - 2 PRIHODI I PRIMICI:
- formira se nova budžetska pozicija 102B - "Kapitalni transferi od kantona za projekat sanacije i asfaltiranja lokalne ceste koja vodi do sportskog – rekreacionog turističkog područja Smetovi", ekonomski kod 742114, u iznosu od 403.975,82 KM,
 - formira se nova budžetska pozicija 102C - "Kapitalni transferi od kantona za projekat izgradnje trotoara od kapije II Kantonalne bolnice prema Gradskom groblju Crkvice", ekonomski kod 742114, u iznosu od 80.000,00 KM i
 - formira se nova budžetska pozicija 102D - "Kapitalni transferi od kantona za projekat otklanjanja arhitektonskih barijera s ciljem poboljšanja mobilnosti invalidnih lica", ekonomski kod 742114, u iznosu od 10.000,00 KM.

Nakon uvećanja UKUPNO PRIHODI I PRIMICI BUDŽETA iznose 109.889.034,99 KM, a UKUPNO PRIHODI I PRIMICI BUDŽETA SA AKUMULISANIM SUFICITOM iznose 119.828.910,78 KM.

- b) u dijelu B - 2 POSEBAN DIO - RASHODI I IZDACI PO BUDŽETSKIM KORISNICIMA, na organizacionom kodu 61010001 - Služba za vodoprivredu, putnu infrastrukturu i mjesne zajednice:
- formira se nova budžetska pozicija 272A - "Sanacija i asfaltiranje lokalne ceste koja vodi do sportskog – rekreacionog turističkog područja Smetovi - kanton", ekonomski kod 821600, funkcija 0464, u iznosu od 403.975,82 KM,
 - formira se nova budžetska pozicija 262C - "Izgradnja trotoara od kapije II Kantonalne bolnice prema Gradskom groblju Crkvice - kanton", ekonomski kod 821200, funkcija 0462, u iznosu od 80.000,00 KM i
 - formira se nova budžetska pozicija 272B - "Otklanjanje arhitektonskih barijera s ciljem poboljšanja mobilnosti invalidnih lica - kanton", ekonomski kod 821600, funkcija 0466, u iznosu od 10.000,00 KM.
- Nakon uvećanja UKUPNO RASHODI I

IZDACI BUDŽETA iznose 109.889.034,99 KM, a UKUPNO RASHODI I IZDACI BUDŽETA SA RASPOREDOM AKUMULISANOG SUFICITA iznose 119.828.910,78 KM.

III

Za realizaciju ovog Zaključka zadužuju se Služba za vodoprivredu, putnu infrastrukturu i mjesne zajednice i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-17824/24
Zenica, 20.09.2024. godine

GRADONAČELNIK
Fuad Kasumović, s.r.

141.

Na osnovu člana 34. Statuta Grada Zenica ("Službene novine Grada Zenica", broj: 5/15), člana 19. Odluke o izvršavanju Budžeta Grada Zenica za 2024. godinu ("Službene novine Grada Zenica", broj: 01/24) i Odluke o raspodjeli sredstava utvrđenih Budžetom Federacije Bosne i Hercegovine za 2024. godinu Federalnom ministarstvu finansija - Federalnom ministarstvu financija sa ekonomskog koda "Kapitalni transferi drugim nivoima vlasti i fondovima – KANTONI I OPĆINE" broj: 1174/2024 od 01.08.2024. godine, na prijedlog Službe za socijalnu zaštitu, stambene poslove i društvene djelatnosti, Gradonačelnik Zenice donosi

ZAKLJUČAK

o uvećanju sredstava u Budžetu Grada Zenica za 2024. godinu

I

Odobrava se uvećanje sredstava u Budžetu Grada Zenica za 2024. godinu ("Službene novine Grada Zenica", broj: 01/24) u iznosu od 1.000.000,00 KM na organizacionom kodu 59010001 – Služba za socijalnu zaštitu, stambene poslove i društvene djelatnosti.

II

Uvećanje sredstava u Budžetu Grada Zenica za 2024. godinu iz tačke I vrši se na sljedeći način:

- a) u dijelu A - 2 PRIHODI I PRIMICI:
- formiraju se nove budžetske pozicije:

87A - "Kapitalni transfer od Federacije za izgradnju objekta Službe hitne medicinske pomoći sa pratećim sadržajima", ekonomski kod 742112, u iznosu od 800.000,00 KM;

90A - "Kapitalni transfer od Federacije za izgradnju ambulante porodične medicine sa pratećim sadržajima u MZ Perin Han", ekonomski kod 742112, u iznosu od 200.000,00 KM.

Nakon uvećanja UKUPNO PRIHODI I PRIMICI BUDŽETA iznose 110.889.034,99 KM, a UKUPNO PRIHODI I PRIMICI BUDŽETA SA AKUMULISANIM SUFICITOM iznose 120.828.910,78 KM.

- a) u dijelu B - 2 POSEBAN DIO - RASHODI I IZDACI PO BUDŽETSKIM KORISNICIMA:
- na organizacionom kodu 59010001 – Služba za socijalnu zaštitu, stambene poslove i društvene djelatnosti, formiraju se nove budžetske pozicije:

161A - "Izgradnja objekta Službe hitne medicinske pomoći sa pratećim sadržajima - Federacija", ekonomski kod 821200, funkcija 0765, u iznosu od 800.000,00 KM;

162A - "Izgradnja ambulante porodične medicine sa pratećim sadržajima u MZ Perin Han - Federacija", ekonomski kod 821200, funkcija 0766, u iznosu od 200.000,00 KM.

"Nakon uvećanja UKUPNO RASHODI I IZDACI BUDŽETA iznose 110.889.034,99 KM, a UKUPNO RASHODI I IZDACI BUDŽETA SA RASPOREDOM AKUMULISANOG SUFICITA iznose 120.828.910,78 KM."

III

Za realizaciju ovog Zaključka zadužuju se Služba za socijalnu zaštitu, stambene poslove i društvene djelatnosti i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-45-18164/24

Zenica, 30.09.2024. godine

GRADONAČELNIK

Fuad Kasumović, s.r.

142.

Na osnovu člana 60. i 61. Zakona o budžetima u FBiH ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica ("Službene novine Grada Zenica" broj 5/15) i člana 23. Odluke o izvršavanju Budžeta Grada Zenica za 2024. godinu ("Službene novine Grada Zenica" broj 1/24), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2024. godinu Udruženju Karate klub "Perfekt" Zenica, u iznosu od 2.000,00 KM, u svrhu sufinansiranja međunarodnog karate turnira "Perfekt Open Zenica 2024" koji će se održati 14.09.2024. godine u Zenici.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2024. godinu, a u svrhu obezbjeđenja nedostajućih sredstava na organizacionom kodu 59010001 - Služba za socijalnu zaštitu, stambene poslove i društvene djelatnosti, ekonomski kod 614300 – tekući transferi neprofitnim organizacijama, funkcija 0811.

III

Za realizaciju ovog Zaključka zadužuje se Služba za socijalnu zaštitu, stambene poslove i društvene djelatno-

sti i Služba za finansije, koja će navedena sredstva uplatiti na račun Udruženja Karate klub "Perfekt" Zenica, broj: 102-711-00000085-43 otvoren u Union banci.

IV

O utrošku sredstava korisnik je dužan podnijeti izvještaj Službi za socijalnu zaštitu, stambene poslove i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-17436/24

Zenica, 10.09.2024. godine

GRADONAČELNIK

Fuad Kasumović, s.r.

143.

Na osnovu člana 60. i 61. Zakona o budžetima u FBiH ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica ("Službene novine Grada Zenica" broj 5/15) i člana 23. Odluke o izvršavanju Budžeta Grada Zenica za 2024. godinu ("Službene novine Grada Zenica" broj 1/24), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2024. godinu Islamskoj zajednici u BiH, Medžlisi Islamske zajednice Zenica, u iznosu od 7.000,00 KM, u svrhu finansijske pomoći za izgradnju podzide ispod džamije u džematu Kovanići.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2024. godinu, a u svrhu obezbjeđenja neplaniranih sredstava na organizacionom kodu 59010001 - Služba za socijalnu zaštitu, stambene poslove i društvene djelatnosti, ekonomski kod 615300 – kapitalni transferi neprofitnim organizacijama, funkcija 0861.

III

Za realizaciju ovog Zaključka zadužuje se Služba za socijalnu zaštitu, stambene poslove i društvene djelatnosti i Služba za finansije, koja će navedena sredstva uplatiti na račun Islamske zajednice u BiH, Medžlis Islamske zajednice Zenica, broj: 134-010-00001154-53 otvoren kod ASA banke, sa naznakom “za džemat Kovanići”.

IV

O utrošku sredstava korisnik je dužan podnijeti izvještaj Službi za socijalnu zaštitu, stambene poslove i društvene djelatnosti.

V

Ovaj Zaključak stupa na snagu danom donošenja, a objavit će se u “Službenim novinama Grada Zenica”.

Broj: 02-11-18148/24
Zenica, 23.09.2024. godine

GRADONAČELNIK
Fuad Kasumović, s.r.

144.

Na osnovu člana 60. i 61. Zakona o budžetima u FBiH (“Službene novine FBiH” broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica (“Službene novine Grada Zenica” broj 5/15) i člana 23. Odluke o izvršavanju Budžeta Grada Zenica za 2024. godinu (“Službene novine Grada Zenica” broj 1/24), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2024. godinu Islamskoj zajednici u BiH, Medžlisu Islamske zajednice Zenica, u iznosu od 4.000,00 KM, u svrhu finansijske pomoći za nabavku klima-uređaja za džamiju u džematu Obrenovci.

II

Sredstva iz tačke I izdvajaju se iz “Tekuće budžetske rezerve” Budžeta Grada Zenica za 2024. godinu, a u svrhu obezbjeđenja neplaniranih sredstava na or-

ganizacionom kodu 59010001 - Služba za socijalnu zaštitu, stambene poslove i društvene djelatnosti, ekonomski kod 615300 – kapitalni transferi neprofitnim organizacijama, funkcija 0861.

III

Za realizaciju ovog Zaključka zadužuje se Služba za socijalnu zaštitu, stambene poslove i društvene djelatnosti i Služba za finansije, koja će navedena sredstva uplatiti na račun Islamske zajednice u BiH, Medžlis Islamske zajednice Zenica, broj: 134-010-00001154-53 otvoren kod ASA banke, sa naznakom “za džemat Obrenovci”.

IV

O utrošku sredstava korisnik je dužan podnijeti izvještaj Službi za socijalnu zaštitu, stambene poslove i društvene djelatnosti.

V

Ovaj Zaključak stupa na snagu danom donošenja, a objavit će se u “Službenim novinama Grada Zenica”.

Broj: 02-11-18201/24
Zenica, 25.09.2024. godine

GRADONAČELNIK
Fuad Kasumović, s.r.

145.

Na osnovu člana 234. tačka k) Zakona o privrednim društvima ("Službene novine Federacije BiH", broj: 81/15 i 75/21), člana 28. i 29. Statuta Javnog preduzeća „Grijanje“ d.o.o Zenica broj: 02-01-5293/08 od 06.06.2008. godine, Odluke o izmjeni Statuta broj: 02-05-18501/09 od 24.11.2009. godine, Odluke o izmjeni i dopuni Statuta broj: 02-49-21441/11 od 12.11.2011. godine, Odluke o izmjeni Statuta broj: 02-01-5293/08 od 06.03.2008. godine, a koja Odluka je ispravljena Odlukom o izmjeni Statuta broj: 02-01-5293/08 od 06.03.2008. godine, Odluke o izmjeni Statuta broj: 02-45-11030/20 od 17.06.2020. godine, broj: 02-45-23984/20 od 02.12.2020. godine, broj: 02-45-6341/21 od 15.04.2021. godine, Odluke o izmjeni i dopuni Statuta broj: 02-45-10767/21 od 04.06.2021. godine i Odluke o izmjenama Statuta broj: 02-45-4402/23 od 07.03.2023. godine, te na osnovu Zahtjeva za razrješenje podnesenog od strane Amre Smriko, dana 26.08.2024. godine, Gradonačelnik Grada Zenica vršeći ovlaštenja Skupštine Javnog preduzeća „Grijanje“ d.o.o. Zenica, d o n o s i

RJEŠENJE**o razrješenju dužnosti člana Nadzornog odbora Javnog preduzeća „Grijanje“ d.o.o. Zenica****I**

Amra Smriko, dipl.pravnik, razrješava se dužnosti člana Nadzornog odbora Javnog preduzeća „Grijanje“ d.o.o. Zenica u koji je imenovana Rješenjem Gradonačelnika broj: 02-45-15804/21 od 02.08.2021. godine, prije isteka mandata, na lični zahtjev.

II

Ovo rješenje stupa na snagu danom donošenja i objavit će se u "Službenim novinama Grada Zenica".

Broj: 02-45-16836/24
Zenica, 28.08.2024. godine

GRADONAČELNIK
Fuad Kasumović, s.r.

146.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09), člana 34. tačka 6) Statuta Grada Zenica ("Službene novine Grada Zenica", broj: 5/15), Gradonačelnik Grada Zenica d o n o s i

R J E Š E N J E**o imenovanju na kraći period člana Nadzornog odbora Javnog preduzeća „Grijanje“ d.o.o. Zenica****I**

Alem Gagula, diplomirani inženjer elektrotehnike, imenuje se za člana Nadzornog odbora Javnog preduzeća „Grijanje“ d.o.o. Zenica na kraći period, do okončanja konkursne procedure po oglasu, a najduže na period od tri mjeseca.

II

Ovo rješenje stupa na snagu danom donošenja i objavit će se u "Službenim novinama Grada Zenica".

Broj: 02-45-16867/24
Zenica, 28.08.2024. godine

GRADONAČELNIK
Fuad Kasumović, s.r.

S A D R Ź A J

GRADSKO VIJEĆE

129. Odluka o organizaciji i sigurnosti saobraćaja	1
130. Odluka o utvrđivanju javnog interesa	14
131. Odluka o prihvatu ponude i sklapanju Ugovora o osnivanju prava građenja za izgradnju objekta i uspostavu funkcije javne podzemne garaže s pripadajućim sadržajima na lokalitetu Trg Bosne i Hercegovine u gradu Zenica	15

GRADONAČELNIK

132. Zaključak o preraspodjeli sredstava u Budžetu Grada Zenica za 2024. godinu	17
133. Zaključak o preraspodjeli sredstava u Budžetu Grada Zenica za 2024. godinu	17
134. Zaključak o preraspodjeli sredstava u Budžetu Grada Zenica za 2024. godinu	18
135. Zaključak o preraspodjeli sredstava u Budžetu Grada Zenica za 2024. godinu	19
136. Zaključak o preraspodjeli sredstava u Budžetu Grada Zenica za 2024. godinu	19
137. Zaključak o preraspodjeli sredstava u Budžetu Grada Zenica za 2024. godinu	20
138. Zaključak o uvećanju sredstava u Budžetu Grada Zenica za 2024. godinu	20
139. Zaključak o uvećanju sredstava u Budžetu Grada Zenica za 2024. godinu	21
140. Zaključak o uvećanju sredstava u Budžetu Grada Zenica za 2024. godinu	22
141. Zaključak o uvećanju sredstava u Budžetu Grada Zenica za 2024. godinu	23
142. Zaključak o odobravanju izdvajanja sredstava iz tekuće budžetske rezerve	24
143. Zaključak o odobravanju izdvajanja sredstava iz tekuće budžetske rezerve	24
144. Zaključak o odobravanju izdvajanja sredstava iz tekuće budžetske rezerve	25
145. Rješenje o razrješenju dužnosti člana Nadzornog odbora Javnog preduzeća „Grijanje“ d.o.o. Zenica	26
146. Rješenje o imenovanju na kraći period člana Nadzornog odbora Javnog preduzeća „Grijanje“ d.o.o. Zenica	26